



REPUBLIKA E KOSOVËS / REPUBLIKA KOSOVA

GJYKATA THEMELORE PRIZREN

Numri i lëndës: 2018:045020

Datë: 28.05.2019

Numri i dokumentit: 00332922

P.nr.1245/18

NË EMËR TË POPULLIT

GJYKATA THEMELORE NË PRIZREN – Departamenti i Përgjithshëm, gjyqtari Fidan Hoxha, me bashkëpunëtorin profesional Shqipron Sedolli, në çështjen penale të akuzuarit H.S nga fshati ... Komuna e ..., për shkak të veprës penale sulmi nga neni 184 par.1 të KP-së, sipas aktakuzës së Prokurorisë Themelore në Prizren – Departamenti i Përgjithshëm, nën numrin PP/II.nr.1879-8/18 të datës 15.08.2018, në shqyrtimin fillestar, në prezencën e prokurorit të shtetit Shahadin Destani dhe të akuzuarit, me datë 20.05.2019, publikisht mori dhe shpalli, ndërsa me datë 24.05.2019 përpiloi me shkrim këtë:

A K T G J Y K I M

I akuzuari:

H. S, nga i ati B. dhe e ëma N, e lindur B, i lindur më datë në fshatin ..., Komuna e ..., ku edhe tani banon, i martuar, baba i fëmijëve, ka të kryer shkollën e fillore, pensioner invalidor, i gjendjes së dobët ekonomike, shqiptar, shtetas i Republikës së Kosovës, me numër personal 1016294540.

ËSHTË FAJTOR

Se me datë 10.07.2018, rreth orës 09:30 min, në rrugën “ “ në ..., saktësisht në objektin e ..., i akuzuari me dashje përdor forcën ndaj të dëmtuarit F. K, pa pëlqimin e tij, në atë mënyrë që i pandehuri fillimisht shkon në objektin e në ... për të bërë tërheqjen e parave të tij, por pasi që i njëjti kishte marrë një kredi në bankën e lartcekur, sistemi bankar në mënyrë automatike kishte bërë arkëtimin e mjeteve nga llogaria e të akuzuarit, i akuzuari i acaruar nga kjo, me të takuar të dëmtuarin si përgjegjës për kontrollin e kredive të papaguara, në korridorin e bankës, të njëjtin e sulmon me grusht në pjesën e gjoksit por nuk i shkakton lëndime trupore.

Me këto veprime ka kryer veprën penale Sulmi neni 184 par. 1 të KPRK-së.

Gjykata në bazë të nenit 4, 7, 8, 9, 10, 47, 48, 69 dhe neni 184 të KPRK-së, si dhe neni 365 të KPPRK-së, të akuzuarit i shqipton dënimin dhe atë:

DËNIM ME KUSHT

- dënim me burgim në kohëzgjatje prej 3 (tre) muajve, i cili dënim nuk do të ekzekutohet në afat prej 1 (një) viti nga dita e plotfuqishmërisë së këtij aktgjykimi, nëse i akuzuari nuk kryen vepër të re penale.

I dëmtuari F. K nga, rr."" nr..... për realizimin e kërkesës pasurore-juridike, udhëzohet në kontest të rregullt juridiko civil.

I akuzuari lirohet nga shpenzimet e procedurës penale.

Arsyetim

Prokuroria Themelore në Prizren – Departamenti i Përgjithshëm, ka parashtuar aktakuzë nën numrin PP/II.nr.1879-8/18 të datës 15.08.2018, ndaj të akuzuarit H.S nga fshati, Komuna e, për shkak të veprës penale sulmi nga neni 184 par.1 të KPRK-së.

Në shqyrtimin fillestar i akuzuari H. S, ka pranuar fajësinë për veprën penale për të cilën akuzohet sipas aktakuzës së Prokurorisë Themelore në Prizren.

Gjykata nga pranimi i fajësisë nga ana e të akuzuarit dhe provave materiale në shkresat e lëndës, ka vërtetuar këtë gjendje faktike: Se me datë 10.07.2018, rreth orës 09:30 min, në rrugën " " në, saktësisht në objektin e, i akuzuari me dashje përdor forcën ndaj të dëmtuarit F. K, pa pëlqimin e tij, në atë mënyrë që i pandehuri fillimisht shkon në objektin e ... në për të bërë tërheqjen e parave të tij, por pasi që i njëjti kishte marrë një kredi në bankën e lartcekur, sistemi bankar në mënyrë automatike kishte bërë arkëtimin e mjeteve nga llogaria e të akuzuarit, i akuzuari i acaruar nga kjo, me të takuar të dëmtuarin si përgjegjës për kontrollin e kredive të papaguara, në korridorin e bankës, të njëjtin e sulmon me grusht në pjesën e gjoksit por nuk i shkakton lëndime trupore.

Gjykata gjendjen e këtillë faktike e ka vërtetuar nga vet pranimi i fajësisë nga ana e të akuzuarit H.S në shqyrtimin fillestar, vullnetarisht ka pranuar fajësinë, për veprën penale për të cilat akuzohet. Gjykata sipas detyrës zyrtare nuk ka gjetur se ekziston ndonjë provë e pa pranueshme, po ashtu në tërësi është vërtetuar se i akuzuari, ka kuptuar natyrën dhe pasojat e pranimi të fajësisë për veprën penale e cila i vihet në barrë, dhe ky pranim është bërë pa kushtëzim dhe vullnetarisht nga ana e tij, se pranimi i fajësisë mbështet në fakte dhe prova të çështjes që përmban aktakuza, dhe se aktakuza nuk përmban asnjë shkelje të qartë ligjore ose gabime faktike.

Gjykata nga të cekurat më lartë ka ardhur në përfundim se në veprimet e të akuzuarve formohen të gjitha elementet e qenies së veprës penale të përshkuara si në shqiptim të këtij aktgjykimi dhe për këtë ka vendosur që i akuzuari të shpallet fajtor dhe ta gjykoj në bazë të ligjit, e më parë duke vërtetuar përgjegjësinë penale juridike të tij.

Gjatë marrjes së vendimit mbi llojin dhe lartësinë e dënimit, gjykata ka vlerësuar të gjitha rrethanat lehtësuese dhe rënduese të parapara si në nenin 73 të KPRK-së të cilat

ndikojnë në zgjedhjen e llojit dhe lartësisë së dënimit. Si rrethana lehtësuese për të akuzuarit gjykata ka vlerësuar pranimin e fajësisë nga ana e tij dhe sjelljen korrekte ndaj gjykatës. Kështu që duke mos gjetur rrethana rënduese gjykata ka ardhur në përfundim se me dënimin e shqiptuar do të arrihet efekti dhe qëllimi i dënimit dhe se me këtë dënim të tillë të shqiptuar sipas bindjes së gjykatës janë në proporcion me veprën penale të kryer dhe me rrethanat personale të cilat i posedon i akuzuari dhe se në të ardhmen dënimi i tillë i shqiptuar do të parandalojë kryerësin nga kryerja e veprave penale.

Vendimin mbi shpenzimet e procedurës penale është marrë në pajtim me nenin 453 par. 4 të KPPK-së, pasi që i njëjti është pensioner invalidor.

Vendimin mbi kërkesën pasurore-juridike është marr konform nenit 463 par.2 të KPPK-së.

Nga të cekurat më lartë u vendos si në shqiptim të këtij aktgjykimi.

**GJYKATA THEMELORE PRIZREN
DEPARTAMENTI I PËRGJITHSHËM , DIVIZIONI PENAL**

2018:045020, 24.05.2019

G j y q t a r i

Fidan Hoxha

KËSHILLË JURIDIKE: Kundër këtij aktgjykimi është e lejuar ankesa në afat prej 15 (pesëmbëdhjetë) ditëve nga koha e pranimin të të njëjtit, Gjykatës së Apelit në Prishtinë, nëpërmjet kësaj Gjykate Themelore.